



## Terenga 5: Hōtaka 39 – Te pū ‘Kei’ hei whakatūpatō

### He Mihi

Tangata ākona i te kāinga, tū ana ki te marae, tau ana. Tangata ākona i te kāinga, tū ana ki hea rānei ki te whakapuaki whakaaro, pūrangiaho ana. Nau mai koutou ki roto ki ngā ringa māhorahora o Ako.

### Hei Mahi Whakarongo

Nō Taranaki te kapa waiata o te rā nei. He mea hopu e Raukauri mā mō te hōtaka o Iwi Anthems.

### Anei ngā pātai hei whakautu mā koutou:

- 1) He aha tētehi tohutohu kei roto?
- 2) He aha te take e tukuna ana ngā roimata?
- 3) He aha tētehi kupu anō mō te ‘tau’eke’?

Kia whakarongo ake tātou ki ngā reo waiata o te iwi e noho ana i ngā rekereke o te maunga tītōhea.

### He Whakamārama

Hei **whakaohiti**, hei **whakatonu**, hei **tohutohu** rānei ngā kīanga ka tīmata ki te kupu 'kei'.

Tuatahi, kia tirohia ētehi rerenga kōrero e whakaohiti ana, e whakatonu ana, e whakatūpatō ana rānei i te tangata.

- a) E heke i te rākau nā, kei taka koe!
- e) Kei kore koe e whaiwā ki te whakautu i ngā pātai, me poto ngā whakautu.
- i) Kei tōmuri koe ki te kura āpōpō, me hoki ki te moe ināianei.

Tuarua, anei ētehi rerenga kōrero hei **tohutohu**. He rite tēnei whakamahinga o te 'kei' ki te 'kaua...e':

- o) Kei wareware koe ki te whakaweto i tō waea.
- u) Kei kohetetia au!

### He Mahi ĩ-papa

Tuhia he rerenga kōrero hei whakamahi i ngā kupu kei te ĩpapa:

Kia ... , kei ...

### Hei Mahi

#### Whakamāoritā ēnei rerenga kōrero e whai ake nei:

1. Sing well, or your haka group may not win.
2. Don't walk around when someone is giving a formal speech.
3. Be careful, you might crash into the pole.
4. Hide your face or your scab might be seen.
5. Don't laugh at me!

### Whakautu:

Mahi ĩpapa: Kia kaha, kia ū, kei hinga te kaupapa i te haurakiraki. Kia mataara, kei maringi i a koe tō inu.

1. Kia kaha te waiata, kei wairuatoa tō kapa haka.
2. Kei hīkoi haere i te wā e whaikōrero ana tētehi tangata.
3. Kia tūpatō, kei tūtuki koe ki te pou.
4. Hunaia tō kanohi kei kitea tō hākihaki.
5. Kei kata mai!